

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE
Općinski načelnik

Broj: 02-14-7-8534/19

Datum: 11.12.2019. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14), člana 110. Statuta Općine Jajce („Službene novine Općine Jajce“, broj 3/08) u postupku javne nabavke usluga koje se odnose na terensku izmjeru parcela novog stanja u slučajevima rješavanja prigovora u postupku izlaganja podataka, sukladno Uredbi i PZ i promjena koje su provedene u važećem katastarskom operatu od početka izmjere – K.O. Jajce II, općina Jajce, putem otvorenog postupka javne nabavke, broj nabavke 02-14-7-8534/19, čije obavještenje o nabavci je objavljeno na portalu javnih nabavki pod brojem 1190-1-2-78-3-51/19 od 12.11.2019. godine, Općinski načelnik donosi

O D L U K U
o izboru najpovoljnijeg ponuđača

I

Prihvata se Preporuka Komisije za javne nabavke broj 02-14-7-8534/19 od 11.12.2019. godine i ugovor o terenskoj izmjeri parcela novog stanja u slučajevima rješavanja prigovora u postupku izlaganja podataka, sukladno Uredbi i PZ i promjena koje su provedene u važećem katastarskom operatu od početka izmjere – K.O. Jajce II, općina Jajce, dodjeljuje se ponuđaču:
„GEODATA“ d.o.o. Jajce

Konačna cijena usluga koje su predmet postupka javne nabavke utvrđena je na osnovu ponude odabranog ponuđača broj 03-69/19 i ista sa uključenim PDV-om iznosi **60.840,00 KM** (slovima: šezdesethiljadaosamstotinačetdeset konvertibilnih maraka).

II

Ponuđač iz tačke I ove Odluke ocijenjen je kao kvalifikovan.

III

Ova odluka objavit će se na web stranici Ugovornog organa [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

V

Odabrani ponuđač iz tačke I ove odluke dužan je u roku od 5 dana od dana prijema ove odluke dostaviti Ugovornom organu dokumentaciju koja je zahtijevana tenderskom dokumentacijom. U suprotnom Ugovorni organ će postupiti u skladu sa članom 72. stav (3) Zakona o javnim nabavkama BiH.

Ove obaveze se oslobađa ponuđač ukoliko je nevedenu dokumentaciju dostavio u svojoj ponudi.

O b r a z l o ž e n j e

Ugovorni organ – Općina Jajce je provela postupak javne nabavke usluga koje se odnose na terensku izmjeru parcela novog stanja u slučajevima rješavanja prigovora u postupku izlaganja podataka, sukladno Uredbi i PZ i promjena koje su provedene u važećem katastarskom operatu od početka izmjere – K.O. Jajce II, općina Jajce, putem otvorenog postupka javne nabavke, broj nabavke 02-14-7-8534/19, čije obavještenje o nabavci je objavljeno na portalu javnih nabavki pod brojem 1190-1-2-78-3-51/19 od 12.11.2019. godine.

U predmetnom postupku javne nabavke Rješenjem Općinskog načelnika broj 02-14-7-8534/19 od 12.11.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda i preporuku o izboru najpovoljnijeg ponuđača broj 02-14-7-8534/19 od 11.12.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da su blagovremeno zaprimljene dvije (2) ponude i to ponude privrednih društava:

1. „BNpro“ d.o.o. Sarajevo
2. „GEODATA“ d.o.o. Jajce

Komisija je preuzela izvještaj o preuzimanju tenderske dokumentacije od strane ponuđača i utvrdila da su ponuđači preuzeli tendersku dokumentaciju sa portala javnih nabavki.

Ocjenom zaprimljene ponude ponuđača „BNpro“ d.o.o. Sarajevo komisija je utvrdila da ponuđač nije dostavio dokaz kojima dokazuje tehničku i profesionalnu sposobnost. Naime, u tenderskoj dokumentaciji u tački 4. Tehnička i profesionalna sposobnost navedeno je da ponuđač mora imati jednog djelatnika sa najmanje dvije godine rada u katastru (u katastru u kojem je na snazi popisni katastar), a kao dokaz o ispunjavanju navedenog uslova dužan je dostaviti **potvrdu** o radnom iskustvu u **popisnom** katastru. Ponuđač „BNpro“ d.o.o. Sarajevo kao dokaz je dostavio uvjerenje o podacima registrovanim u matičnoj evidenciji izdato od Federalnog zavoda za PIO/MIO- Mostar, Kantonalna administrativna služba – Sarajevo, a ne potvrdu iz koje se može vidjeti da djelatnik ima dvije godine rada u katastru i to u katastru u kojem je na snazi popisni katastar. Priloženo uvjerenje se ne može uzeti kao dokaz da ponuđač ispunjava traženi uslov. Također, u općini Novo Sarajevo na snazi je katastar zemljišta, a ne popisni katastar. S obzirom na to da ponuđač nije dostavio tražene dokaze iz tenderske dokumentacije, komisija je ponudu ocijenila kao neprihvatljivu.

Ocjenom zaprimljene ponude ponuđača „GEODATA“ d.o.o. Jajce komisija je utvrdila da je zaprimljena ponuda dostavljena u skladu sa postavljenim uslovima u otvorenom postupku, tj. ponuda sadrži tražena dokumenta te je ponuđač ocijenjen kao kvalifikovan.

Nakon ocjene kvalifikacije ponuđača prešlo se na finansijsku evaluaciju ponude te provjeri računskih operacija u cilju utvrđivanja eventualnih računskih greški. Komisija je utvrdila da nema računskih grešaka.

Komisija je preporučila Ugovornom organu da se u predmetnom postupku javne nabavke dodjeli ugovor ponuđaču „GEODATA“ d.o.o. Jajce. Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH – filijala Mostar putem ugovornog organa u roku od 10 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a

